

# ***Javni poziv za mjeru podrške investicijama u diverzifikaciju ekonomskih i socijalnih aktivnosti u ruralnim područjima***

U okviru programa "Podrška Evropske unije konkurentnosti poljoprivrede i ruralnom razvoju u Bosni i Hercegovini – EU4AGRI" raspisan je Javni poziv na koji se mogu prijaviti poljoprivredni proizvođači, privredni subjekti, udruženja i private ustanove i preduzeća sa područja opštine Modriča. Prijavljuje se na način da zainteresovani potencijalni korisnik dostavlja popunjen obrazac (u prilogu) Opštini Modriča, a zatim se sve prijave objedinjuju i dostavljaju donatoru. Maksimalan iznos koji se može tražiti je 200.000 KM za LOT 1 (minimalno 5 korisnika) i 200.000 KM za LOT 2. Korisnici su obavezni obezbijediti 25% finansijskog učešća u projektu.

Rok za prijavu je 21.11.2022. godine.

## **OSNOVNE INFORMACIJE O POZIVU:**

### **1. Ciljevi javnog poziva za iskazivanja interesa**

Kroz ovaj javni poziv projekat EU4AGRI namjerava podržati koncepte projektnih prijedloga čiji ciljevi promoviraju:

- povećanje prihoda stanovništva iz ruralnih područja kroz diverzifikaciju prihoda iz ekonomskih i socijalnih aktivnosti na farmi i/ili izvan nje;
- očuvanje postojećih i stvaranje novih radnih mjesta kroz razvoj i diverzifikaciju ruralnih aktivnosti na farmi i/ili izvan nje i očuvanje postojećih radnih mjesta;
- unapređenje postojećih i razvoj novih usluga koje poboljšavaju kvalitet života stanovnika ruralnog područja;
- doprinos održivom razvoju kroz uvođenje i promovisanje dobrih praksi sigurnosti hrane, očuvanja okoliša i zaštite radnika, kao i drugog stanovništva od posljedica COVID-19 i drugih negativnih uticaja na javno zdravlje.

### **2. Prihvatljivi direktni korisnici podrške za diverzifikaciju ekonomskih aktivnosti na gazdinstvima (LOT 1)**

Direktni korisnici tehničke pomoći i bespovratnih sredstva podrške projekta EU4AGRI za diverzifikaciju ekonomskih aktivnosti na gazdinstvima (LOT 1) mogu biti sljedeće kategorije:

- **poljoprivredna gazdinstva (fizička lica)** koja su upisana u registar poljoprivrednih gazdinstva najkasnije od 01.01.2021. godine i aktivno se bave primarnom poljoprivrednom proizvodnjom i/ili preradom poljoprivrednih proizvoda i/ili uslugom agro-turizma i/ili tradicionalnim zanatom na gazdinstvima i/ili direktnom prodajom vlastitih proizvoda na gazdinstvu;
- **registrirani privredni subjekti (obrti/samostalni preduzetnici, zadruge i preduzeća)** u rangu mikro preduzeća (do 500,000 KM godišnjeg prometa) koji su registrovani ne kasnije od 01.01.2021. godine i upisani u registar poljoprivrednih gazdinstva najkasnije 01.01.2021. godine i koji se aktivno bave primarnom poljoprivrednom proizvodnjom i/ili

preradom poljoprivrednih proizvoda i/ili uslugom agro - turizma i/ili tradicionalnim zanatom na gazdinstvima.

### **3. Prihvatljivi direktni korisnici podrške za diverzifikaciju ekonomskih/socijalnih aktivnosti u ruralnim područjima (LOT 2)**

Direktni korisnici tehničke pomoći i bespovratnih sredstva podrške projekta EU4AGRI za diverzifikaciju ekonomsko/socijalnih aktivnosti u ruralnim područjima (LOT 2) mogu biti sljedeće kategorije:

- **udruženja,**
- **privatne ustanove ili privatna preduzeća**

koja su registrovana ne kasnije od 01.01.2021. godine a pružaju ili planiraju pružati ekonomske/socijalne usluge u ruralnim područjima što uključuje neku od sljedećih aktivnosti i usluga:

- aktivnosti koje doprinose boljoj zapošljivosti mladih u ruralnom području (npr. poslovni inkubatori, razvojni hub-ovi i sl.),
- aktivnosti koje će doprinijeti inovativnosti i konkurentnosti ruralnih preduzeća (npr. poslovni inovacijski centri, biznis inkubatori, hubovi i sl.),
- aktivnosti koje doprinose zapošljivosti žena a samim time i njenom položaju u društvu (npr. vrtići, dječje edukacijske igraonice, usluge podrške starijim osobama itd.),
- aktivnosti koje doprinose unapređenju kvaliteta života na selu, uključujući i mlade osobe (npr. omladinski klubovi, sportski, edukativni i kulturno-umjetnički sadržaji i sl.).

### **4. Prihvatljive investicije**

#### **4.1. *Prihvatljive investicije/troškovi za LOT 1 – podrška diverzifikaciji ekonomskih aktivnosti na gazdinstvima***

- izgradnja, adaptacija, dogradnja, sanacija i/ili rekonstrukcija objekata za primarnu poljoprivrednu proizvodnju, za preradu poljoprivrednih i prehrambenih proizvoda, skladištenje, prodaju i degustaciju proizvoda, za smještaj, pripremu i služenje hrane;
- nabavka opreme, mašina za primarnu proizvodnju i preradu, doradu i pripremu raznih prehrambenih proizvoda, kao i za izradu proizvoda od drveta, vune i drugih materijala, nabavka namještaja za opremanje smještajnih kapaciteta, pribora, alata, komunikacijskih uređaja, hardvera i softvera za kontrolu, praćenje, upravljanje i nadzor nad procesima;
- oprema za zaštitu na radu (uključuje i opremu i sredstava za zaštitu od COVID-19);
- oprema za unapređenje upravljanja otpadom i zaštitu okoliša, te oprema za proizvodnju energije iz obnovljivih izvora;
- analize ispravnosti gotovih proizvoda;
- troškovi obuka za osoblje direktnog korisnika, potrebne za obavljanja djelatnosti koja je predmetom projektnog prijedloga (ovo uključuje isključivo angažman eksperata npr. tehnolog koji će pomoći u pripremi izrade recepture za određeni proizvod);
- usluge dizajna<sup>1</sup> pakovanja, etiketa i promotivnih materijala, te izrade online prodavnice.

---

<sup>1</sup> Ova usluga ne uključuje troškove nabavke repromaterijala ili produkcije tj. štampanja etikete i promotivnog materijala.

#### **4.2. Prihvatljive investicije/troškovi za LOT 2 – podrška diverzifikaciji ekonomskih/socijalnih aktivnosti u ruralnim područjima**

- izgradnja, adaptacija, dogradnja, sanacija i/ili rekonstrukcija objekata za pružanje ekonomskih/socijalnih usluga;
- nabavka opreme za pružanje ekonomskih/socijalnih usluga;
- oprema za zaštitu na radu (uključuje i opremu i sredstva za zaštitu od COVID-19);
- oprema za unapređenje upravljanja otpadom i zaštitu okoliša;
- oprema za proizvodnju energije iz obnovljivih izvora;
- troškovi izvođenja<sup>2</sup> programa obuke/usluga za identifikovane ciljne skupine ekonomskih/socijalnih usluga u toku trajanja ugovora o financijskoj podršci. Maksimalno 8% tražene financijske podrške se može koristiti za financiranje ove vrste troškova;
- troškovi obuka za osoblje potrebne za obavljanja djelatnosti koja je predmetom projektnog prijedloga;
- usluge dizajna<sup>3</sup> promotivnih materijala, te izrade web stranice;
- usluge licenciranja (npr. licenciranje dječje edukacijske igraonice po određenom programu rada i sl.).

#### **5. Krajnji rok za podnošenje prijava**

Prijave se mogu podnijeti od **27.09.2022. godine** dok je krajnji rok **21.11.2022. godine do 17:00 sati**. Prijave podnesene kroz druge kanale (pošta ili email) se neće uzeti u razmatranje.

Sve informacije o kriterijumima javnog poziva i način podnošenja prijave možete naći u Smjernicama javnog poziva ili u Odjeljenju za privredu i društvene djelatnosti (Sida Tomić).

Ukoliko ste zainteresovani, molimo Vas da nas najkasnije do 24.10.2022. godine (ponedeljak) obavjestite da bismo Vas mogli uključiti u projekat.

---

<sup>2</sup> Primjer: troškovi organizacije obuka u biznis inkubatoru sa krajnjeg korisnika, dio direktnih troškova usluga hubova, troškovi specifičnih intervencija u dječijim vrtićima/prostorima za starije (npr. angažman ljekarskih timova za preventivne preglede i sl). Ovi troškovi ne mogu uključivati troškove koji se po ovom javnom pozivu smatraju neprihvatljivim.

<sup>3</sup> Ova usluga ne uključuje troškove nabavke repromaterijala ili produkcije tj. štampanja etikete i promotivnog materijala.